




ԱՍՏՎԱԾԱՇՈՒՆԶ ՄԱՏՅԱՆԻՑ

ՍԱՂՄՈՍ Դ

- 1.—Երգուսուցին
- 2.—Երբ քեզ դիմեցի, դու ինձ լսեցիր
ըստ արդարության, ո՛վ իմ Աստված.
նեղությանս մեջ ինձ խաղաղեցրիր,
ողորմի՛ր ինձ, լսի՛ր իմ աղոթքը:
- 3.—Մարդկանց որդիներ,
մինչև ե՞րբ պիտի խառասիրտ լինեք,
ինչո՞ւ եք սիրում նանրությունը
և սուտը փնտրում:
- 4.—Իմացե՛ք, որ Տերը հրաշքներ գործեց
իր սրբի համար,
և երբ Տիրոջը դիմեմ,
Նա ինձ կլսի:
- 5.—Բարկացե՛ք, բայց մի մեղանչեք,
ինչ որ ձեր սրտերում խորհեք,
զղջացեք ձեր անկողիներում:
- 6.—Արդարության զոհեր մատուցեք
և Տիրոջ վրա ձեր հույսը դրեք:
- 7.—Ծա՛տ են ասողները,
թե՛ «ո՛վ պիտի ցույց տա մեզ բարություն»:
Քո տեսքի լույսը մեր վրա շողաց
- 8.—և ուրախություն տվիր մեր սրտերին:

- Նրանց հագեցրիր ցորենի, գինու և ձեթի արդյունքով,
 9.—խաղաղության այս վստահությամբ
 պիտի ննջենք և արթնանանք,
 10.—որովհետև, ո՛վ Տե՛ր, միայն դու ես
 ապահովությամբ մեզ բնակեցնում:

ՍԱՂՄՈՍ Ե

- 1.—Երգուսույցին
 2.—Ունկն դիր, Տե՛ր, իմ խոսքերին
 և նկատի առ իմ աղաղակը:
 3.—Ուշադիր եղի՛ր աղոթքիս ձայնին.
 թագավոր իմ, Աստված իմ,
 4.—աղաչում եմ քեզ, Տե՛ր,
 առավոտ վաղ լսի՛ր ձայնս.
 առավոտ վաղ պատրաստ կլինեմ
 դեմդ ելնելու:
 5.—Դու չես կամենում անօրենություն,
 չարերը քեզ մոտ չեն բնակվում,
 6.—անօրենները չեն բնակվելու քո աչքերի առջև:
 7.—Անօրենություն գործողներին ատում ես դու,
 կորուստի ես մատնում ստախոսներին:
 Արյունահեղ և նենգավոր մարդը, Տե՛ր,
 պիղծ է քեզ համար,
 8.—մինչ ես քո առատ ողորմության շնորհիվ
 տունդ կմտնեմ,
 կերկրպագեմ քո երկյուղով
 քո սուրբ տաճարում:
 9.—Տե՛ր, քո արդարությամբ ինձ առաջնորդի՛ր,
 իմ թշնամիների պատճառով
 ուղիղ արա՛ իմ առջև քո ճանապարհը,
 10.—նրանց բերանների մեջ
 ճշմարտություն չկա՛
 և նրանց սրտերը մանիւր են,
 11.—նրանց կոկորդները բաց են՝
 ինչպես գերեզմանը,
 նրանք նենգավոր եղան իրենց լեզուներով:
 Դատի՛ր նրանց.
 Ո՛վ Աստված,
 թող նրանց խորհուրդները կործանվեն
 իրենց ամբարշտությունների համար:
 Մերժի՛ր նրանց,
 որովհետև քեզ դառնացրին:
 12.—Ուրախ պիտի լինեն քեզ հուսացողները
 և հավիտյան ցնծան
 և դու նրանց եջ պիտի բնակվես:
 Քո անունը սիրողները

- պիտի զվարճանան քեզանով,
 13.—որովհետև դու օրհնում ես արդարին, ո՛վ Տե՛ր,
 և հաճությամբ պատում ես նրանց՝
 ինչպես վահանով:

ՍԱՂՄՈՍ 2

- 1.—Երգուսույցին
- 2.—Տե՛ր, քո սրտմտությամբ ինձ մի՛ հանդիմանիր
 և մի՛ խրատիր քո բարկությամբ:
- 3.—Ողորմի՛ր ինձ, Տե՛ր, որովհետև հիվանդ եմ ես
 բժշկի՛ր ինձ, որովհետև քայքայվեցին ոսկորներս,
- 4.—իմ հոգին խռովեց հույժ, իսկ դու, Տե՛ր, մինչև ե՞րբ...
- 5.—Դարձի՛ր, Տե՛ր, և փրկի՛ր ինձ,
 ապրեցրո՛ւ ինձ, Տե՛ր, քո ողորմությամբ,
- 6.—որովհետև մահվան մեջ չկա մեկը, որ հիշի քեզ.
 կամ դժոխքում, որ քեզ խոստովանի:
- 7.—Ես հոգնեցի իմ հեծությամբ,
 ամեն գիշեր լվանում եմ մահին
 և իմ արցունքներով թրջում անկողինս:
- 8.—Սրտմտությունից աչքս խռովեց,
 և ես մաշվեցի —
 իմ բոլոր թշնամիների պատճառով:
- 9.—Հեռացե՛ք ինձանից բոլորդ,
 որ անօրենություն եք գործում,
- 10.—որովհետև Տերը լսեց հեկեկանքս,
 լսեց աղաչանքս
 և աղոթքս ընդունեց:
- 11.—Թող ամաչեն և խռովեն
 իմ բոլոր թշնամիները,
 թող ետ դառնան և ամաչեն հույժ
 և շուտով խռովեն:

Թարգմ.՝ Ա. Ե.

